



ტურიზმის პოლიციური უსაფრთხოება

რეზიუმე

თამარ მესხიშვილი

სტუ-ს დოქტორანტი

E-mail: tata.meskhishvili@gmail.com

სტატიაში განხილულია ტურიზმის პოლიციური უსაფრთხოების საკითხები, აგრეთვე გაანალიზებულია სხვადასხვა ქვეყნებში მოქალაქეთა ჯანმრთელობისა და სიცოცხლის დაცვის პრობლემები. ავტორი აღნიშნავს, რომ შეუძლებელია სახელმწიფოს განვითარების მიღწევა მოქალაქეთა უსაფრთხოების საკმარისი დონის უზრუნველყოფის გარეშე. გარდა ამისა, ავტორი სავსებით ეთანხმება 1989 წელს ჰააგში ჩატარებული პარლამენტთაშორის ტურიზმის კონფერენციის შეთანხმებებს, რომელთა თანახმად ტურისტების დაცვა და უსაფრთხოება, მათი ღირსების პატივისცემა - ტურიზმის განვითარების აუცილებელ პირობას წარმოადგენს.

საკვანძო სიტყვები: უსაფრთხოება, ტურისტული პოლიცია, საერთაშორისო ტურიზმი, ქუჩის კრიმინალი.

ტურიზმის უსაფრთხოება დღეს მნიშვნელოვან პრობლემას წარმოადგენს. ტურიზმი ეხმარება სახელმწიფოში ეკონომიკის განვითარებას. მაგრამ ამისათვის საჭიროა არა მხოლოდ დასვენებისა და გართობის ადგილების მოწყობა, რამედ აქ დამსვენებელთა უსაფრთხოების უზრუნველყოფაც.

უსაფრთხოება - ეს არის მდგომარეობა, რომლის დროსაც გარკვეული ობიექტი არ ექვემდებარება ნეგატიურ ზეგავლენას, ანდა წარმატებით ეწინააღმდეგება მას. ტურიზმში ასეთ ქმედებას განეკუთვნება კომერციული, ინფორმაციული, ტექნიკური, იურიდიული, ეკოლოგიური და პიროვნების ფიზიკური უსაფრთხოება. სამედიცინო სერვისული საერთაშორისო კომპანიის ინტერნაციონალ SOS მიერ შედგენილი რეიტინგის მიხედვით დადგენილია 2017 წელს ამოგზავრულ ყველაზე სახიფათო ქვეყნების ნუსხა. ასე, ჯანმრთელობისათვის ყველაზე სახიფათო ქვეყნების რიცხვს მიკუთვნებულია ლიბია, მალი, სამხრეთ სუდანი, იემენი, სირია, ავღანეთი და ვენესუელა. ამას გარდა მიმოხილვაში განსაკუთრებით არის ხაზგასმული ქვეყნები, სადაც „სწრაფად ვითარდება ვარიაციული რისკები“ - ბრაზილია, ჩინეთი, ნდოეთი, ყაზახეთი და რუსეთი. გარდა ამ ქვეყნებისა, რეიტინგში მოხვდა ისეთი განვითარებული ქვეყნები, როგორებიც არიან საფრანგეთი, ბელგია და თურქეთი,

სადაც 2016-2017 წლებში მოხდა ტერორისტული აქტები.

რა თქმა უნდა, ასეთ რეიტინგებზე დაყრდნობა შეიძლება, მაგრამ ამ ინფორმაციის საკუთარი მოგზაურობისათვის საფუძვლად დადება ნამდვილად არ ღირს, ვინაიდან დღეს ყველაზე უფრო სახიფათოა რიგში ხშირად ხვდებიან მასიური ტურისტული ნაკადების მქონე ქვეყნები, მაგალითად, ტაილანდი და ბულგარეთი. მოცემულ შემთხვევაში მუშაობს შემდეგი დამოკიდებულება: რაც უფრო მეტი ადამიანი ისვენებს ამა თუ იმ კურორტზე, მით მეტია სახიფათო შემთხვევების რიცხვი. რეიტინგების შედგენის პროცესში ამ პრინციპით ხშირად უსარგებლიათ სადაზღვევო კომპანიებს. მაგრამ ამ ლოგიკით თუ ვიმსჯელებთ, ყველასგან მივიწყებული კურორტი უხიფათო გამოვა დამსვენებლების არყოლის გამო.

საერთაშორისო ტურისტული ორგანიზაციების გარდა, სახიფათო ქვეყნების საკუთარ სიებს თვით სახელმწიფოს ქმნის, რათა უზრუნველყოს ქვეყნის მოქალაქეები მოსალოდნელი საფრთხისგან. ამ დროს სახელმწიფო განსხვავებულ კრიტერიუმებს იყენებს, რომლებიც, როგორც წესი, დამოკიდებულია სახელმწიფოს მიერ გატარებულ საგარეო და შიდა პოლიტიკაზე. ასე მაგალითად, დიდი ბრიტანეთის საგარეო საქმეთა სამინისტრომ გამოაქვეყნა იმ ქვეყნების სია, სადაც, მისი დიპლომატიების აზრით, არ არსებობს ტერორიზმის საფრთხე. ამ სიის პირველ ათეულში შევიდნენ: ირლანდია, უნგრეთი, მალტა, ისლანდია, ახალი ზელანდია, ფიჯი, ტუვალუ, ბუტანი, შვეიცარია და ჩილე. ამავე ბრიტანელი დიპლომატიების მიერ შედგენილ ყველაზე უსაფრთხო ქვეყნების სიაში შევიდნენ: საფრანგეთი, ესპანეთი, ბელგია, ტუნიზი და თურქეთი. თურქეთში გამგზავრების მსურველ თანამემამულეებს ბრიტანელი დიპლომატები ურჩევენ, არ მიუახლოვდნენ სირიის საზღვარს 10 კმ მანძილზე უფრო ახლოს და, შეძლებისდაგვარად, შეიკავონ თავი ანკარასა და სტამბულში ჩასვლისაგან.

ტერორიზმის მზარდ საფრთხესთან ერთად საერთაშორისო ტურიზმის უსაფრთხოების კრიტერიუმებად შესაძლოა მოგვევლინონ: სამედიცინო მომსახურების ხარისხი, ეკოლოგიური



მდგომარეობა, სეისმური აქტიურობა ანდა სხვა სტიქიური ხასიათის მქონე საფრთხე, ტრანსპორტის ავარიულობა და ქუჩის კრიმინალიზაციის დონე. უკანასკნელი კრიტერიუმის აქტუალურობა საერთაშორისო ტურიზმის სფეროში კარგად გამოვლინდა 2016 წელს ბრაზილიაში ჩატარებული ზაფხულის ოლიმპიური თამაშების დროს. მიუხედავად იმისა, რომ ბრაზილია ითვლება ტურიზმისათვის ამ მხრივ უსაფრთხო ქვეყნად, 2016 წლის ზაფხულში ქუჩაში გასეირნება სახიფათო გახდა არა მარტო ჩასული ტურისტების, არამედ თვით ბრაზილიელებისთვისაც. მეტიც, საფრთხე არა ერთხელ დამუქრებია თვით სპორტსმენების სიცოცხლეს. შეჯიბრებების დროს არაერთხელ დაფიქსირებულა ადგილობრივი მოსახლეობის ყაჩაღური თავდასხმები ტურისტებსა და სპორტსმენებზე ფულის, ძვირფასეულობისა და სხვა ქონების წართმევის მიზნით. უნდა აღინიშნოს, რომ ადგილობრივი ხელისუფლების მიერ არ განხორციელებულა არც ერთი პრევენციული ზომა, მათი მონაწილეობა მხოლოდ უსიტყვოდ დაკვირვებით შემოიფარგლა ტურისტებისა და სპორტსმენების მასიური თავშეყრის ადგილებში.

უნდა აღინიშნოს, რომ მასშტაბური სპორტული ღონისძიებების ჩატარების პროცესში არც ერთ სხვა ქვეყანაში მსგავსი შემთხვევები არ დაფიქსირებულა, მათ შორის სოჭის ოლიმპიადაზეც, მიუხედავად იმისა, რომ რუსეთი ამ მხრივ სახიფათო ქვეყნების სიაშია შეყვანილი. არც ტურისტებს და, მით უმეტეს, არც სპორტსმენებს არ შექმნიათ საკუთარი ჯანმრთელობისა და სიცოცხლის დაცვასთან დაკავშირებული პრობლემები.

დღეს ესპანეთში, რუსეთში, ლატვიაში, თურქეთში, არაბეთის გაერთიანებულ ემირატებში, ეგვიპტეში, ტაილანდში და შრი-ლანკაზე მუშაობს ტურისტული პოლიცია - რომელიც ცალკე ქვედაჯგუფებას წარმოადგენს. ტურისტული პოლიციის ძირითად ამოცანებს მიეკუთვნება:

- სხვა ქვეყნის მოქალაქეებისათვის კომფორტული და უსაფრთხო პირობებების შექმნა;
- საფეხმავლო ზონების პატრულირება ტურისტების მასობრივი თავშეყრის ადგილებში;
- ტურისტების კონსულტაცია სხვადასხვა ისტორიული და კულტურული საკითხის გარშემო;
- ტურისტების მიმართ ჩადენილი დანაშაულის პრევენცია და გახსნა;
- დაკარგული ანდა დაზიანებული დოკუმენტაციის, დაბლოკილი კარტების ძებნასა და აღდგენაში ტურისტებისათვის ქმედითი დახმარების აღმოჩენა;

- თარჯიმნის ფუნქციის შესრულება უცხო ქვეყნის მოქალაქეების მიერ სახელმწიფო, საგამოძიებო ორგანოებში თუ პროკურატურაში მიმართვის შემთხვევაში.

ამდენად, მოცემული სტრუქტურა წარმოადგენს შუამავალს ტურისტებსა და კანონის წარმომადგენლებს შორის.

თუ დავყვრდებით საერთაშორისო ტურისტული ორგანიზაციების მიერ სადაზღვევო შემთხვევების დადგომის სიხშირის მიხედვით შედგენილ რეიტინგს უკანასკნელი სამი წლისათვის (2015, 2016, 2017 წწ), ყველაზე ხშირად ტურისტებს უსიამოვნება შეიძლება შეემთხვათ ხუთ ქვეყანაში: ბულგარეთი, ესპანეთი, ტაილანდი, არაბეთის გაერთიანებული საემიროები და თურქეთი. ამ ქვეყნებში დასვენების საფრთხე დაყვანილია ტურისტების ჯანმრთელობის შენარჩუნების პირობების უქონლობამდე. ჩამოთვლილ ქვეყნებში ხშირია ქრონიკულ დაავადებათა წარმოქმნისა და ტრავმატიზმის შემთხვევები.

ტურიზმის უსაფრთხოების პრობლემები „დიდი ვაშლსაც“ არ ასცდა. ქალაქ ნიუ-იორკში, რომელიც საკმაოდ ხანგრძლივი დროის განმავლობაში ითვლებოდა მსოფლიოს კრიმინალურ დედაქალაქად, კრიმინალთან ბრძოლის ერთერთ მეთოდად ტურისტების მიერ ზოგიერთი პოპულარული ადგილის დათვალიერებაზე უარის თქმა ითვლებოდა. საკუთრი უსაფრთხოების გამო ტურისტებს რეკომენდაციას აძლევდნენ, არ ისარგებლონ მეტროპოლიტენის მომსახურებით ღამის საათებში და არ ისეირნონ ქალაქის განაპირა რაიონების - სამხრეთ ბროქსის, პარლემისა და ბოუერის ქუჩებში. აირჩიონ ყველაზე უსაფრთხო ტრანსპორტი - ყვითელი ტაქსი და წინასწარ შეამოწმონ, ემთხვევა თუ არა მძღოლის გამოსახულება პირადობის მოწმობაზე გამოხატულს. შენევაში ყველაზე უსაფრთხო ადგილს წარმოადგენს ქალაქის ცენტრი, მაგრამ აქაც უნდა იქნას გათვალისწინებული უსაფრთხოების ზომები (ნაღდი ფულის კუპიურების დემონსტრირება, უცნობებთან აუბარი და სხვა). ზუსტადაა ცნობილი დიდ ქალაქების საფრთხეების შემცველი უბნები და ადგილები: ბერლინში ეს არის კროიცბერგი, სადაც განლაგებულია უამრავი ტერორისტული ისლამური და ანტიისლამური ორგანიზაციის შტაბ-ბინა, მეხიკოში - ტეპიტოს ბაზარი და ჩაპულტეპეკის პარკი, კოპენჰაგენში - ჰიპპების დამოუკიდებელი „სახელმწიფო“, ქრისტინია და ა. შ. ამ ქალაქებში უსაფრთხოების ზომების უზრუნველყოფა იწყება ტურაგენტების მიერ მათი გაფრთხილებითა და ინსტრუქტაჟით იმის შესახებ, სად და რის გაკეთებაა სახიფათო.



ტურიზმისათვის ადაპტირებული ქვეყნების რიცხვის გაზრდის მიზნით ჯანმრთელობისა და სიცოცხლის უსაფრთხოებისა და კომფორტული პირობების უზრუნველსაყოფად აუცილებლად მიგვაჩნია შემდეგი ზომების გატარება:

- ქვეყნებში, რომელთაც გააჩნია ტურისტული მომსახურების ბაზარი, ტურისტული პოლიციის შექმნა და განვითარება;

- ტურისტებისათვის აერო, სამდინარო და საზღვაო პორტებში, სარკინიგზო სადგურებსა და სხვა სასაზღვრო გამშვებ პუნქტებში საინფორმაციო პუნქტების შექმნა ტურისტებისათვის კონსულტაციებისა და სხვა დახმარების გაწევის მიზნით;

- ბუკლეტების, ბროშურებისა და სხვა ბეჭდური პროდუქციის გამოშვება არა მხოლოდ მიმზიდველი ტურისტული ობიექტებისა და ადგილების აღწერილობით, არამედ ინფორმაციით სახელმწიფოს ტრადიციებისა და ისტორიის, ქვეყნის წესებისა და ადგილობრივ მოსახლეობასთან შესაძლო კონფლიქტის მაპროვოცირებელი ქცე-

ვებისა და სტრესული სიტუაციების შესახებ;

- კანონებისა და სხვა ნორმატიული აქტების მიღება ტაქსის ძალების, სასტუმროს, რესტორანის, მაღაზიის მოსამსახურე პერსონალის მიერ ტურისტების მოტყუების შემთხვევაში მათთვის სასჯელის გამკაცრების შესახებ;

- მოთხოვნების გამკაცრება ტურისტული ფირმების მიერ ადამიანების ორგანიზებული გადაყვანისათვის გამოყენებული ავტოტრანსპორტის სანდოობისა და უსაფრთხოების მიმართ.

სამოგზაუროდ წასვლის წინ ყველა ტურისტმა უნდა შეისწავლოს მოსალოდნელი დასვენების ქვეყანაში არსებული კანონების, ადამიანებისა და ქვეყნის ნორმების თავისებურებანი, რაც მოამზადებს მას მოსალოდნელი აკრძალვებისათვის და მისცემს საშუალებას, თავი აარიდოს უსიამოვნო სიტუაციებს. ყოველივე ეს, ტაქტიან საქციელთან ერთად, საშუალებას აძლევს ტურისტს, შეერწყას გარემოს და არ გამოიწვიოს კანონის ადგილობრივი დამრღვევების განსაკუთრებული ინტერესი.

გამოყენებული ლიტერატურა:

1. ჰააგის ტურიზმის პარლამენტაშორისი კონფერენციის დეკლარაცია (მიღებულია ჰააგაში 10.04.1989 – 14.04.1989)

2. ადამიანის უფლებების საყოველთაო დეკლარაცია (მიღებულია გაეროს გენერალური ასამბლეის მიერ 10.12.1948).

3. Safety and Security in Tourism: Relationships,

Management and Marketing. New York: Haworth Hospitality Press. Hawkins, D.I., Best, R.J. and Coney, K.A., 2015.

4. Santana, G., 2018. Crisis Management and Tourism: Beyond the Rhetoric. Journal of Travel and Tourism Marketing, Vol. 15, No. 4, pp. 299-321. Shih, D., 2016.

TOURISM POLICE SECURITY

TAMAR MESKHISHVILI

The Doctoral Student of GTU

E-mail: tata.meskhishvili@gmail.com

Summary

The article discusses the issues of tourism policing and also analyzes the health and life-care problems of citizens in different countries. The author notes that it is impossible to achieve the state's development without providing sufficient level of security for citizens. In addition, the author agrees with the agreements of the Inter-governmental Tourism Conference held in Hague in 1989, according to which the protection and safety of the tourists and their respect for their dignity are the essential parts of tourism development.

Key words: security, tourist police, international tourism, street crime.